

**ZAPISNIK
SA IV SJEDNICE UPRAVNOG ODBORA
UDRUŽENJA POSLODAVACA U FBIH**

održane dana 19.09.2016 godine (ponedjeljak), sa početkom u 12:00 časova u prostorijama Arcelor Mittal Zenica (Bulevar Kralja Tvrtka 1.) u Zenici.

Sjednici su prisustvovali članovi U.O.: Adnan Smailbegović, Kopruner Snježana, Suton Ante, Hadžiselimović Eldin, Peštalić Nurdin, Skenderagić Nijaz, Rusmir Hrvič, Kusturica Sanel, i Kemal Čolak.

Sjednici su po ovlaštenju članova UO prisustvovali: Josip Bilić (po ovlaštenju Slišković Tomislav), Mesur Bradar (po ovlaštenju Enisa Bekto) i Amir Međić (po ovlaštenju Grapkić Ramiz,

Sjednici nisu prisustvovali članovi U.O.: Imamović Izet, Ećo Suhad, Karahodžić Adisa, Čolak Milenko, Raspudić Marin, Marijan Željko, Čengić Safudin, Kemal Hrnjić i Vilim Primorac koji su opravdali svoj izostanak.

Sjednici je pored članova UO prisustvovali i članovi ESV-a za teritoriju FBiH i predstavnici kompanije Arcelor Mittal Zenica.

Ispred UP FBiH: Mladen Pandurević i Mersiha Jusić.

Predsjedavajući Upravnog odbora Adnan Smailbegović je predložio sljedeći:

DNEVNI RED

1. Usvajanje Zapisnika sa III sjednice UO;
2. Razmatranje Primjedbe Arcelor Mittala Zenica na Kolektivni Ugovor o pravima i obavezama poslodavaca i radnika za djelatnost proizvodnje i prerade metala u FBiH, koji je potpisan 26.08.2016. godine;
3. Razmatranje Prijedloga Sporazuma o saradnji između Akademije nauka i umjetnosti BiH i Udruženja poslodavaca FBiH;
4. Razmatranje Prijedloga Sporazuma o međusobnoj saradnji Udruženje „Mali ljudi velikog srca“ Visoko sa Udruženjem poslodavaca;
5. Imenovanje predstavnika Udruženja poslodavaca FBiH u radne Grupe u okviru projekta „Razvoj Kvalifikacijskog okvira za cjeloživotno učenje – QF LLL“;
6. Razmatranje ostavke Safudina Čengića na funkciju člana UO Fonda za sanaciju posljedica od poplava u FBiH i imenovanje novog člana UO Fonda;
7. Tekuća pitanja;

Dnevni red je jednoglasno usvojen.

RASPRAVLJANJE PO TAČKAMA DNEVNOG REDA:

Tačka 1. Usvajanje zapisnika sa III sjednice UO;

Vezano za ovu tačku dnevnog reda predsjedavajući je obavijestio prisutne da su dobili materijale za sve tačke dnevnog reda uključujući i Zapisnik i zamolio da se izjasne da li imaju primjedbi.

Obzirom da nije bilo primjedbi nakon glasanja donesen je sljedeći:

Zaključak: Zapisnik je jednoglasno usvojen.

Tačka 2. Razmatranje Primjedbe Arcelor Mittala Zenica na Kolektivni Ugovor o pravima i obavezama poslodavaca i radnika za djelatnost proizvodnje i prerade metala u FBiH, koji je potpisan 26.08.2016. godine;

UO je razmotrio Primjedbe Arcelor Mitalla koje su se odnosili na postupak kolektivnog pregovaranja. Arcelor Mittal je istakao da je prilikom Kolektivnog pregovaranja za djelatnost metalne industrije bio nezadovoljan sa samim postupkom pregovaranja. Model rada je bio daleko od pregovaranja u dobroj vjeri i uvažavanja članova pregovaračkog tima koji je bio zadužen za izradu GKU. Izostala je spremnost da se razumije stanje u metalnoj industriji u cjelini, da se poštuje OKU kao bazni dokument za izradu GKU i da se na taj način dođe do dokumenta koji će biti prihvaćen od obe strane u pregovaranju.

Međutim, bez obzira što nisu saglasni sa načinom rada kojim se došlo do teksta koji je potpisan, niti sa samim tekstom GKU predstavnici kompanije Arcelor Mitall su bili prisutni na samom potpisivanju Ugovora i na taj način željeli pokazati da uvažavaju učesnike u procesu pregovaranja i da žele biti dio procesa ubuduće.

Nakon diskusije donesen je sljedeći:

Zaključak: UO je primio k znanju ovu informaciju uz napomenu da će kod potpisivanja ostalih granskih kolektivnih Ugovora voditi računa da se ovakve stvari ne dešavaju te da Pregovarački tim UPFBiH treba nastupati jedinstveno.

Zadužuje se sekretar Udruženja da napravi informaciju o kolektivnom pregovaranju u svim djelatnostima u kojima je uključeno UPFBiH, te informaciju dostavi svim članovima UO UPFBiH. Također, potrebno je napraviti pregled rješenja iz kolektivnih Ugovora za djelatnosti u kojima je potpisan KU.

Tačka 3. Razmatranje Prijedloga Sporazuma o saradnji između Akademije nauka i umjetnosti BiH i Udruženja poslodavaca FBiH;

Gdin. Mladen Pandurević je upoznao prisutne da je Akademija nauka i umjetnosti UPFBiH uputila prijedlog Sporazuma o saradnji kojim se uređuju se okvirni principi buduće saradnje između Akademije nauka i umjetnosti i UPFBiH i zamolio članove da se izjasne o ovoj tački dnevnog reda.

Nakon diskusije donesen je sljedeći:

Zaključak: Uzimajući u obzir značaj Akdemske zajednice u BiH Upravni odbor je dao saglasnost za potpisivanje Sporazuma o saradnji između Akademije nauka i umjetnosti BiH i Udruženje poslodavaca u FBiH. Ovlašćuje se Predsjednik UO da potpiše Sporazum.

Zadužuje se stručna služba će u narednom periodu pokrenuti aktivnosti za potpisivanje Sporazuma.

Tačka 4. Razmatranje Prijedloga Sporazuma o međusobnoj saradnji Udruženje „Mali ljudi velikog srca“ Visoko sa Udruženjem poslodavaca;

Direktor Pandurević je upoznao prisutne sa ovom tačkom dnevnog reda i zamolio članove UO da se izjasne.

Svi članovi UO su učestvovali u diskusiji ističući da Udruženje svakako podržava ovakve humanitarne akcije i da svi članovi učestvuju u donatorski sredstvima ali da ipak ovakve stvari ne trebaju biti predmet rasprave na Udruženju poslodavaca u FBiH. Nakon diskusije donesen je sljedeći:

Zaključak: UO nije dao podršku za potpisivanje Sporazuma sa Udruženjem „ Mali ljudi velikog srca“.

Tačka 5. Imenovanje predstavnika Udruženja poslodavaca FBiH u radne Grupe u okviru projekta „Razvoj Kvalifikacijskog okvira za cjeloživotno učenje – QF LLL“;

Direktor je upoznao prisutne da je UPFBiH dobilo zahtjev od voditelja Projekta „Razvoj Kvalifikacijskog okvira za cjeloživotno učenje – QF LLL“ da imenuje svoje predstavnike za članove Radnih Grupa.

Nakon iznesenih prijedloga donesen je sljedeći:

Zaključak: UO je imenovao predstavnike Udruženja poslodavaca FBiH u radne Grupe u okviru projekta „Razvoj Kvalifikacijskog okvira za cjeloživotno učenje – QF LLL“ i to:

1. Za člana Radne grupe za razvoj i testiranje Osnova kvalifikacijskog okvira-RG 1.1. imenuje se **Ilda Jugo, koordinator za projekte**
2. Za člana Radne grupe za izradu nacrtu izvještaja o povezivanju osnova KOBiH sa Kvalifikacijskim okvirom Evropskog prostora visokog obrazovanja i Evropskim kvalifikacijskim okvirom RG-1.2. imenuje se **Mersiha Jusić, sekretar UPFBiH**

3. Za članove Radne grupe za finansiranje VET-a RG- imenuju se:
Mubera Gerin za djelatnost turizma,
Nedim Čehajić za djelatnost građevine i
Haris Čizmo za djelatnost prerade drveta
4. Za članove Fokus grupe poslodavaca imenuju se **Mubera Gerin, Nedim Čehajić, Haris Čizmo i Amir Međić.**

Članovi Radnih grupa dužni su učestvovati u radu i o aktivnostima sa sastanak informisati Upravni odbor UPFBiH.

Tačka 6. Razmatranje ostavke Safudina Čengića na funkciju člana UO Fonda za sanaciju posljedica od poplava u FBiH i imenovanje novog člana UO Fonda;

Upravni odbor je razmatrao ostavku gospodina Safudina Čengića na funkciju člana UO Fonda za sanaciju posljedica od poplava u FBiH.

Zaključak: Upravni odbor je prihvatio ostavku Safudina Čengića uz zaključak da će imenovanje novog člana UO Fonda za sanaciju posljedica od poplava u FBiH izvršiti nakon što Vlada dostavi informacije o dljem radu i statusu Fonda.

Zadužuje se stručna služba da zatraži od Vlade zvaničan stav o daljem radu i statusu Fonda za sanaciju posljedica od poplava u FBiH.

Tačka 7. Tekuća pitanja

Pod tekućim pitanjima UO je na inicijativu člana UO gđina Sanela Kusturice, predstavnika Udruženja banaka BiH raspravljao o MONEYVAL listi (Komitet Vijeća Evrope za sprečavanje pranja novca i finansiranje terorističkih aktivnosti),

Prema navedenoj listi BiH se nalazi u grupi nekooperativne jurisdikcije zajedno sa zemljama kao što su Afghanistan, Angola, Ecuador, Guyana, Uganda, Syria i dr.

Zbog sporosti u rješavanju ovog problema sprječavanja pranja novca i finansiranja terorističkih aktivnosti, banke u BiH su neko vrijeme imale probleme u radu sa jednim brojem banka u inostranstvu, a, takođe, bile su vidljive i mjere pojačane pažnje kao posljedica naloga nadležnih institucija bankama u tim zemljama, koje su se ogledale u vraćanju, zaustavljanju, odgađanju i traženju dodatnih informacija za novčane transakcije od i prema BiH. zaustavljanju, odgađanju i traženju dodatnih informacija za novčane transakcije od i prema BiH. Nakon diskusije donesen je sljedeći:

Zaključak: Upravni odbor je podržao Inicijativu i zaključio da će zajedno sa Udruženjem banaka BiH djelovati prema Vijeću ministara BiH sa zahtjevom da je od izuzetne važnosti da se ovo pitanje riješi na nivou BiH. Potrebnu dokumentaciju za pokretanje ove inicijative će pripremiti Udruženje banaka BiH

Sjednica se završila u 14:00 sati

Zapisnik sačinila: Mersiha Jusić

PREDSJEDNIK UO

Adnan Smailbegović